

是也

經云喜樂無極則傷魄，魄傷則狂。狂者意不存，人此喜樂傷魄而狂，當用涼藥補魄之陰。辰砂鬱金白礬之類是也。

濟世方

治失心

鬱金

七兩 頤四川 蟬肚者乃真

明礬 三兩

為末薄糊為丸，桐子大，每六十丸，湯水任下。昔有婦人癲狂數年不愈，後遇至人授此方，初服覺心胸中有物脫去，神氣洒然，再服頓

甦，至人云：此病憂驚得之，痰裹心竅，此藥能去鬱痰。

明狂症

靈樞癲狂篇曰：狂之始生也，先自悲也。喜怒善惡得之憂飢及狂之發，少卧不飢，自高賢也。自辨智也，自貴倨也。善罵詈，日夜不休，狂言驚善笑，好歌樂，妄行不休者，得之大恐，自妄見耳。妄聞善呼，多食善見鬼神，善笑而不發于外者，得之有所大喜。

林億公曰狂為痰火盛實癲為心血不足狂病嘔
大吐下

生生子曰據此言心血不足者乃醫治攻剋太過
以致中氣餒弱而神志不定非癲病一起初便
有此不足症也

丹溪曰神不守舍狂言妄作經年不愈如心經蓄
熱當清心除熱如痰逆心竅當去痰寧心大率
多因痰結於心胸間治當鎮心神開痰結亦有
中邪而成此疾者大藥是熱又曰狂病宜大吐

下則除之

素問云陽厥強怒飲以鉄落狂怒出于肝肝屬木
鉄落金也

之意予曾用數次果効考本草能治鬼打鬼注
安心神治譫邪主癲癇鎮心熱狂走除胃膈中
痰涎

病能篇帝曰有病狂怒者此病安生岐伯曰生于
陽也帝曰陽何以使人狂岐伯曰陽氣者因暴
折而難决故善怒也病名曰陽厥曰何以知之
曰陽明者常動巨陽少陽不動不動而動大疾
此其候也曰治之柰何曰奪其食即已夫食入

於陰長氣于陽故奪其食即已使之服以生鉄落為飲生鉄落者下氣疾也

夫狂之為病少卧少卧則衛獨行陽不行陰故陽盛陰虛令昏其神得睡則衛得入於陰而陰得衛填則不虛陽無衛助不盛故陰陽均平而愈矣

王海藏治許氏病陽厥狂怒罵詈親疎或哭或歌不脉舉按無力身表如冰后發則叫呼聲高內經云奪其食即已因不與之食乃以大承氣湯

下之得臟腑積穢數升狂稍寧數日復發下如此五七次行大便數斗疾瘥身温脉生良愈此內經奪食法也

保命當歸承氣湯

當歸 大黃各一兩 芒硝七錢 甘草五錢

右每二兩水一大碗姜五片束十枚煎至一半温服若陽狂奔走罵詈不知親疎此陽有餘陰不足大黃芒硝去胃中實熱當歸補血益陰甘草緩中加姜棗者胃屬土此引入胃

保命當歸承氣湯

也經所謂微者逆之甚者從之此之謂也以
大利為度微緩以瓜蒂散入防風末藜蘆末
吐之其病立安後用調心散洗心散涼膈散
解毒湯等調之安

○明癇症

生生子曰癇痰火所致前人有稱為風癇者劉河
間謂由熱甚而風燥為其兼化涎溢胸膈而癲
癡昏冒僵仆也

東垣曰病癇者涎沫出于口冷汗出于身清涕出

于鼻皆陽蹻陰蹻督衝四脉之邪上行腎不任
煎熬沸騰上行為之也此奇邪為病不係五行
陰陽十二經所拘當從督衝二蹻四穴奇邪之
法治之

癇症亦從衝任督三脉氣逆而發者當尋此三脉
治之○督脉尋長強擗骨間灸之○任脉尋氣
海陰交衝脉附足少陰脉上行去中行各五分
陰交穴乃任脉陰衝之會

潔古曰晝發灸陽蹻夜發灸陰蹻各二七壯陽蹻

起於跟中循外踝上行入風池申脉穴也陰蹻亦起于跟中循內踝上行至咽喉交貫衝脉照海穴也

劉宗厚曰癰與瘰相類而實不同其病發身軟時醒者謂之癰身強直反張如弓不時醒者謂之瘰瘰病隨其痰之潮作故有時而醒瘰病比癰為甚而有挾虛者故因其昏胃而遂致亡者多矣

綱目曰癰癰即頭眩痰在膈間則眩微不仆痰溢

膈上則眩甚仆倒于地而不知人名之曰癰癰徐嗣伯云大人曰癰小兒曰瘰其實一疾也然與中風中寒中暑尸厥等仆倒不同凡癰癰仆時口中作聲將省時吐涎沫省後又復發時作時止而不休息中風中寒中暑尸厥之類則仆時無聲省時無涎沫後不復發間有發者亦非如癰癰常發狀也

千金方云病先身熱掣痰驚啼叫喚而後發癰脉浮者為陽癰病在六腑外在肌膚猶易治也病

先身冷不驚掣不啼呼而病發時脉沉者為陰
癇病在五臟內在骨髓為難治也劉宗厚謂此
論癇之陰陽後世有認為寒熱者悞也蓋此疾
皆以痰熱所作而得在表而淺為陽故云易治
入裏而深為陰故曰難治乃表裏淺深之謂非
寒熱之謂也

張子和曰夫癇病不至目瞪如愚者用三聖散投
之更用火盆于煖室中令汗吐下三法並行次
服通聖散百餘日則愈矣至于目瞪愚者不可

治內經曰神不守謂神亂也大凡此疾乃肝經
有熱吐後可服瀉青丸下之劉宗厚謂多由風
痰膠固胸膈上下故大法先宜吐之吐後可用
清熱之藥如東垣安神丸守真龍會丸之類皆
可服不獨通聖散也痰實在裏不解宜導痰清
熱亦不獨瀉青丸也

劉宗厚曰按癇病古方或云風或云驚癇或云癇
癇由此疾與中風顛狂急慢驚相類故命名不
同也原其所由或在母腹中受驚或因聞大驚

而得蓋小兒神氣尚弱驚則神不守舍舍空則痰涎歸之或飲食失節脾胃有傷積為痰飲以致痰迷心竅而作者治法必當尋火尋痰而論前人多用鎮降清心之藥固可以治熱可以清痰若有頑痰膠固者此藥未易驅逐在上者必先用吐吐後方宜服此更有痰實在裏者亦須下之隨病輕重而用也或曰癰有陰陽何也予曰此與急慢驚者可同論也陽癰不因吐下由其有痰有熱客于心胸之間因聞太驚而作者

盛熱雖不聞驚亦自作也宜用寒藥以攻治之陰癰亦本于痰熱既作醫以寒涼攻下太過損傷脾胃變而成陰宜用溫平補胃燥痰之藥治之若曰不因壞症而有陰陽之分則是指痰熱所客表裏臟腑淺深而言癰病豈本自有陰寒者哉

舟溪曰癰屬驚與痰不必分五等大率行痰為主黃芩黃連瓜蒌半夏南星隨痰火多少治之無有不愈有熱以涼藥清其心此症必用吐

吐後用平肝之藥青代柴胡川芎之類

素問大奇論篇云心脉滿大癰痺筋挛肝脉小急癰痺筋挛

凡灸癰必須先下之乃可灸不然則氣不通能殺入針則不拘鳩尾穴必高丰乃可下針但宜灸亦不可多壯壯多則令人健忘

心癰面赤心下熱短氣喘息灸巨缺三壯

肝癰面青反視手足搖動灸丘墟三壯

脾癰面黃腹大善利胃腕并腕傍一寸各三壯衝

陽隱白

肺癰面白口吐沫灸肺俞少商少陽各三壯

腎癰面黑正直視身不搖如尸厥金戶少海至陰

湧泉各三壯刺二分

○治癰之劑始治多用攻痰法繼以養心壯神補劑收功

礬丹丸 治五癰五癰無拘陰陽冷熱

毓丹 晉礬各一 右用磚鑿一窠可容二兩

許先安丹在下次安礬在上以炭五斤煨令

炭盡取出研細以不經水猪心血為丸如葶

NTR

圖書

香

香

NATIONAL CENTRAL LIBRARY TAIWAN R.O.C.

豆大每服十九至二十九橘皮湯下

元戎二白丸 治癩與癩

白礬一兩以濕麪包蒸熟去麪入輕粉三五分

量虛實加減丸如桐子大每服二二十九生

姜湯下小兒丸小些

鷓鴣頭丸

皂角五條

鷓鴣頭一枚燒存性

號丹五錢研細

右末糯米糊為丸菜豆大每服十五丸加至

二十九米飲下

神應丸 治風癩久服其痰隨糞而下

生明礬一兩 臈茶五錢

右末蜜丸桐子大每服三十九臈茶下

乳硃丹

乳香 硃砂飛

右用乳香熔化拌和硃砂丸如龍眼大每服

一丸以側柏葉浸酒磨化溫服

天冬散 治風癩脇痛耳鳴吐逆

天門冬去心 乾為末酒調下二錢

寶鑑龍腦安神丸 治男婦五種癩癩無問遠近

發作無時 地骨皮 麥門冬 桑白皮

甘草 人參各二兩 茯神三兩 馬牙硝二錢

射香 冰片各三錢 牛黃五錢 烏犀一兩

硃砂二錢 金箔大者五帖

右細末煉蜜丸彈子大金箔為衣如風癩病
冬月溫水化下夏月凉水化下不拘時二三
歲者日進二服小兒一丸分作二服 虛勞
發熱咳嗽新汲水化下

茯苓丸 常服治心疾良驗

人參 石菖蒲 遠志 茯神 茯苓 辰砂

飛 南星 半夏麩 真鉄粉各等分

右末姜汁打糊丸桐子大另用辰砂為衣每
服十九加至三十九夜卧姜湯下

養心湯 治心虛血少驚惕癩疾

黃耆炙 茯苓 茯神 半夏 川歸 川芎各五錢

酸枣仁 栝子仁 五味子 人參

遠志 桂心各二錢半 甘草炙四錢 加姜枣水煎服

加赤茯苓檳榔治停水怔悸

星黃湯 治心風及邪祟

南星 大黃 等分水煎服 吐痰

蓋珠丸 治心恙及邪祟

猪心血 硃砂兩一 乾青靛花匙一

先將猪心血同靛花研勻入硃砂末和丸

子大每二十九茶酒任下 甚者不過三服

治癩癘經驗方一宗先服此一劑伐邪

竹茹錢一 半夏錢八 枳實 橘紅 甘草各灸

分五 山梔炒黑一錢半 玄明粉 灯草各三分 加姜枣

水煎服

第二次服方可服三劑又服前方一劑又再服此

方三劑 人參一錢半 黃芪五錢 歸身一錢 百合二錢半

酸枣仁生三分 熟酸枣仁四分 貝母 小草各一錢

麥門冬五分 白芍藥吳茱萸炒過八分 甘草梢三分

茯神 酒紅花各二分 姜三片 朮二枚 水煎服

第三方服前二方半月覺神氣稍完繼服此藥

紫河車一具洗淨砂鍋煮爛入鹽少許與服後

半月勿服藥覺少減又服前方一劑第二方三劑又再服下項九藥仍將前二藥間服九藥方

牛膽南星錢八 真牛黃錢四 辰砂錢三 真射香三分

煮甘草膏為丸芡實大金箔為衣薄荷湯下九

清神湯 治痰迷包絡心熱癲疾上

茯神 黃連錢各二 酸棗仁炒 石菖蒲 栝子

仁肉 遠志錢各一 甘草分五 水煎服

痰盛者加南星半夏橘紅瓜蒌竹瀝姜汁

海藏治癲癩狂和不欲眠自賢自智妄行不休此方能安五臟下心氣

白雄鷄一隻煮熟五味調和作羹粥食之

仲景防已地黄湯 治病如狂狀妄行獨語不休

無寒熱其脉浮 防已錢一 桂枝 防風各三錢

甘草錢二 右以酒一杯漬一宿絞取汁生地黃二

斤蒸之如斗米飯久以銅器盛其汁更絞地

黃汁和勻分三服効

一醉膏 治心恙 無灰酒二碗香油四兩和勻

用楊柳枝二十條逐條攪一二百下候香油與酒相入成膏煎至八分灌之熟睡則醒時或吐下即安矣

○治狂之劑

瀉心湯 治心受積熱譫語發狂踰牆上屋

大黃 黃芩 黃連

每四錢水煎服瀉數行然後用安神藥調理

苦參丸 治狂發無時披髮大叫殺人避水火

苦參為末蜜丸梧子大每服十五丸薄荷湯下

調胃承氣湯 治狂方在大熱門

大承氣湯 治陽明大實發狂 方在傷寒門

抱膽丸 治癲狂不定非輕劑所能愈者

水銀二兩 黑鉛半兩 辰砂 乳香 各一兩

右將鉛入銚內熔化離火畧冷入水銀攪硬

研碎入辰砂乳香乘熱用柳木槌搗勻丸如

芡實大每服一丸灯心湯下病者得睡切莫

驚動覺來即安再進一丸又方以猪心血為

丸井水吞下用治狂言妄語

牛黃瀉心湯 治心經邪熱狂言妄語心神不安

牛黃 冰片 硃砂 各一錢半 大黃 兩生一

右末每服三錢生薑蜜水調下

六神散 治發狂此三方皆禁古方

寒水石 黃連 各一兩 丹皮 錢三 青礬石 過煨

龍膽草 各五錢 冰片 分二 右末童便調下

鎮心丹 治驚悸自汗心煩短氣喜怒悲惡不自

知忘魂失魄狀若神靈所憑及男子遺泄女子

帶下 辰砂 飛 白礬 枯

右末水丸雞豆大每一九人參湯下

婦人熱入血室發狂不認人以保命集牛黃膏妙

牛黃 二錢 硃砂 鬱金 丹皮 各三錢 甘草

冰片 各一錢 右末煉蜜丸東子大新汲水化下

本事方寧志膏 治狂不睡

人參 酸棗仁 各一兩 辰砂 錢五 乳香 半錢

右末煉蜜丸彈子大每一九薄荷湯化下

予族弟緣兵火失心與此方服二十九良愈

親舊多傳去服之皆驗

治癩之劑

碧霞丹

治五種癩疾時作搐掣痰涎壅塞牙關

緊急心神迷悶目睛上視

后碌研九度附子尖七枚烏頭尖七枚蝎梢七枚

右末麵糊丸芡實大每用薄荷湯化下下丸

更以酒半合温服之須臾吐出痰涎然後隨

症治之口噤者幹開灌之

仲景風引湯除熱治癩癩又治大人風引少小

驚癩癩瘰日數十發醫所不療又治脚風

大黄 龍骨 乾姜 各四兩 桂枝 兩三 甘草 牡蠣

各二兩 寒水石 赤石脂 白石脂 滑石 后

膏 紫石英 各六兩 右粗末以韋囊盛之取三指

撮井花水三升煮三沸温服一升治風熱癩瘰

呷以之無不効不用渣

犀角丸 治風癩癩發作有時揚手擲足口吐痰

涎不省人事暗倒屈伸

犀角末 五錢 赤石脂 兩三 朴硝 兩二 白姜 兩一

薄荷葉 兩一 右末麵糊丸梧子大每服二十九

至三十九温水下日三服不拘時如覺痰多即減數忌油膩燻灸

楊氏家藏五癩丸 治癩癩不問新久並宜服之

南星 泡烏蛇肉 酒浸一宿去皮骨焙乾 白礬 各一兩 辰砂 二錢

半全 蝎尾 二錢 去 半夏 二兩 酒洗焙 雄黃 半錢 蜈蚣 半條

去頭 姜蚕 半兩 白附子 兩半 射香 三錢 皂角 兩

右先將皂角搗碎水半升揉汁與白礬同熬乾為末入各藥末以姜汁打麵糊丸桐子大每服三十九姜湯下

丹溪金九丸 治諸癩

明礬 鬱金 防風 牙皂角 各一兩 川芎 二兩

蜈蚣 一條 右末蒸餅糊丸梧子大空心茶下

五九 下日除根

錢氏五色丸 治五癩

辰砂 五錢 水銀 半錢 雄黃 飛 玳瑁 珠 一兩 鉛 三兩 同水

右末蜜丸麻子大每四五丸金銀薄荷湯下

三因六珍丹 治風癩失性顛倒欲死或作五畜

等聲掣縱吐沫久而方甦

丹砂錢五 水銀半一兩 鉛二兩與水 雄黃 雌黃

珍珠各一兩 右細末煉蜜丸梧子大每服三五丸

姜東湯下丸此藥須要搗二三萬杵不然難

嚴氏控涎丸 治諸癰久不愈頑涎聚散無時

生川烏 半夏 姜蚕不炒以生薑自然 全蠲

去尾七枚 鐵粉錢三 甘遂半二錢

右生薑自然汁打薄糊為丸棗豆大硃砂為

衣每服十五丸食後姜湯下忌甘草此下痰

劑也

千金龍膽湯 治嬰兒血脉盛實四肢驚掣發熱

并諸驚癇 龍膽草 鈎藤 柴胡 黃芩

桂枝 芍藥 茯苓 甘草各六銖 螳螂二枚

大黃兩一 右水一升煮取五合服之

事人參散 治諸癰并慢脾風神昏痰盛

人參錢五 南星一兩切片以生薑汁并漿

右每服一錢姜三片水煎服加冬瓜仁少許

斷癰丹 治因驚成癰者

黃芪 鈎藤 細辛 半夏 南星 菖蒲各三

錢 蟬退 甘草 桂心 遠志 防風 露蜂

房錢各二杏仁半二錢煉蜜九菴豆大用硃砂麝少

許為衣每服二十九丸束湯下日二服夜一服

甘遂丸 甘遂不銜者三錢為細末將猪心剖開

入甘遂以線縛定用紙裹數層慢火煨熟不可

令焦取甘遂乘潤入辰砂末一錢搗勻作四丸

每服一丸猪心煮湯下

蛇黃丸 蛇黃小者二十枚以猪膽汁拌勻入火

煨通紅取出地上出火毒研極細 右用狗膽

一枚取汁和粟米飯丸菴豆大每服十五丸

溫酒下吐涎乃効

蛇黃丹 治諸癩及小兒急驚風

蛇黃四枚磁蓋內煨紅以白附子 南星 辰

砂另麝香錢各五右末稗米糊丸桐子大每服量

木小或一二丸或三五丸溫酒米湯任下

當歸龍膽丸 治腎水陰虛風熱蘊積時發驚悸

癩擋 即龍會丸 方在脇痛門

補胃燥痰丸 治陰癩服涼藥太過損傷脾胃

白朮錢二 蒼朮 陳皮 半夏 南星 茯苓各一
錢一 木香錢一 藿香分七 甘草分四 甚者加附子分五
 姜五片水煎服

寶鑑沉香天麻丸 治小兒四歲因長老摩頂
 受記生人念呪恐懼發搐痰涎有聲目多白睛
 強項背一時許方醒後每見皂衣人即發多服
 犀硃腦射鎮墜之藥已四年餘無功又添行步
 動作神思如痴脉沉弦而急針經云心脉滿大
 癩痺筋挛病以氣弱多服鎮墜寒涼之劑復損

正氣故添動作如痴先灸兩躄各二十七壯次服
 此藥

又肝脉小急盖小兒神氣尚弱因而被驚神思
 無依又動于肝肝主筋故癩痺筋挛

沉香 益智 川烏各二錢 天麻 防風 半夏
 附子炮各三錢 羌活錢五 甘草 當歸 姜蚕各一錢半
 獨活錢四 經云恐則氣下精氣怯而上焦閉以
 羌活獨活苦溫引氣上行又入太陽為引用以
 為君夫麻防風辛溫以散之當歸甘草辛甘溫

以補氣血之不足養胃氣以為臣附子川烏益
智太辛溫行陽退陰又治客寒傷胃腎主五液
入脾為涎以生姜半夏燥濕化痰沉香辛溫軀
重氣清去怯安神故以為使 每服五錢生姜
三片水煎去渣溫服食前三劑愈

劉宗厚曰按癰症本從熱治然亦有壞症而成陰
者如錢仲陽所治王氏子吐瀉諸醫藥下之至
虛變慢驚手足癱瘓而身冷醫復與八正散錢
氏曰不能食而胃中虛若利大小便即死又則

脾腎俱虛當身冷而閉自必用益黃散史君子
九補脾遂能飲食後又不語錢氏以地黄丸補
腎一月而安皆此意也此方用大熱之藥乃從
權以救前治之失非常治之道也

蜜佗僧 治暗風癩癩以開痰迷心竅

蜜佗僧成塊者纏以鉄線又用鉄線掛火中煨
紅用酒醋一升淬盡出火毒為極細末每服一
錢射香湯調下

許學士驚氣丸 發則牙關緊急涎潮昏塞醒則

精神者痴

附子 木香 姜蚕 白花蛇 橘紅 天麻

麻黃 乾竭 天南星 姜汁浸一夜各五錢 蘓子 一兩

硃砂 二錢半 為衣

右為末加冰射少許煉蜜丸如龍眼大每服
下丸金銀薄荷湯化下溫酒亦可此予家秘
方也一軍人犯法臨刑得釋縛精神頓失如
痴與下丸服訖而寐及覺病已失矣予婦因
避盜失心數年授此方不終劑而愈又下婦

狂厥者十年諸治不驗予授此方去附子加鉄
落亦不終劑而愈鉄粉非但化痰鎮心至如摧
抑肝邪特異者多恚怒肝邪大盛鉄粉能制伏
之此金制木之意也

顛振門

生生子曰顛振者非寒禁鼓慄乃木火上盛腎陰
不充下虛上實實為痰火虛則腎虧法則清上
補下

新寨馬叟年五十九因秋欠稅官杖六十得驚氣

成風搖已三年矣病大發則手足顛掉不能持
物食則令人代哺口目張睽唇舌嚼爛排擻之
狀如線引傀儡每發市人皆聚觀夜卧發熱衣
被盡寒遍身燥痒中熱而反外寒久欲自盡手
不能繩傾產求醫至破其家而病益堅叟之子
邑中舊小吏也以父母病訊戴人戴人曰此病
甚易治若降暑時不過一涌再涌奪則愈矣今
已秋寒可三之如未更刺膺穴必愈先以通聖
散汗之繼服涌劑則痰下二升至厥又下五七

行其疾小愈待五日再一涌出痰三四升如鷄
黃成塊狀如湯執叟以手顛不能自探妻與代
探咽嗑腫傷昏憤如醉約一二時許稍省又
下數行立覺足輕顛減熱亦不作足亦能步手
能巾櫛自持匙筋未至三涌病去如濯病後但
覺極寒戴人曰當以食補之久則自退蓋大疾
之去衛氣未復故宜以散風導氣之藥切不可
以熱劑溫之恐反成他病也

生生子曰據戴人此治非真知其為痰火盛實者

莫敢如此療也木之有餘由金之衰弱病既久
恐亦有始同而終異者况吐汗下之後謂絕不
必補養得乎病之輕者或可用補金平木清痰
調氣之法在人自斟酌之

摧肝九 鎮火平肝消痰定顫

膽星 鈎藤 黃連酒炒 滑石飛 鉄華粉各一兩
青黛三錢 姜蚕炒五錢 天麻酒洗二兩 辰砂飛五錢 大甘草
二錢 右末以竹瀝一碗 姜汁少許打糊丸菴壹大
食後及夜茶下一錢五分 忌鷄羊

本事鈎藤散 治肝厥頭搖眩運能清頭目

鈎藤 陳皮 半夏 麥冬 茯苓各七分 人參

甘菊勿悞用野菊 防風各五分 石膏一錢 甘草三分

姜二片水煎服

參朮湯 氣虛顛掉

人參 白朮 黃芪各二錢 茯苓 甘草 陳皮

各一錢 甚者加附子 水煎服

統旨秘方補心丸 心虛手振

當歸 生地各一兩半 川芎 甘草 人參各一兩

栢子仁 酸枣仁 各三兩 遠志 去心二兩 辰砂 飛

膽星 各五錢 箔二十片 麝香 一錢 琥珀 三錢 石菖蒲 六錢

茯神 七錢 去皮心 為末 証餅糊丸 菘豆大 辰砂為衣

每七八十九津唾嚥下 或姜湯下

統旨秘方定心丸 老人戰動風氣所致及血虛

而振 天麻 蒸熟 秦艽 去全尾 細辛 各一兩

熟地 生地 川歸 川芎 芍藥 各二兩 防風

荆芥 各七錢 白朮 黃芪 各兩 葳靈仙 五錢 洗

為末 酒糊丸 梧子大 每服七八十九食遠白

湯或酒送下

痺癢門

生生子曰痺 縮也 癢伸也 伸縮不止 手如拽鋸 搖

之類也 汗多不止為虛 無汗能食為實

內經曰 心脉急甚者為痺 癢此心經虛寒 治宜補

心牛黃散之類

又曰 心脉滿大 癩痺筋挛 此心火實熱也 治宜瀉

心火涼礮丸主之

又曰 肝脉小急 亦癩痺筋挛 此肝虛也 宜續斷丸

主之若肝脉盛宜救脾加減建中湯內經謂脾脉急甚亦為癰瘕此脾虛肝乘之而癰也故宜實主瀉木之劑建中湯是也

劉河間曰諸熱瞖瘰皆屬于火熱勝風搏并于經絡風主動而不寧風火相乘是以瞖瘰生矣治以祛風滌熱之劑折其火熱瞖瘰立愈若妄加灼艾或飲以發表之劑則死不旋踵矣

東垣人參益氣湯 熱傷元氣四肢困倦手指麻木時時癢癢 黃芪錢二 甘草錢二 升麻各五分 柴胡各五分

六分 五味子粒三十 甘草生五分 人參二錢一分 白芍七分
水煎服

獨活湯 風虛昏瞶不自知覺手足癢瘕或為熱血虛不能服發汗藥及中風自汗尤宜服之

獨活羌活 人參 防風 川歸 細辛 茯苓 神 遠志 半夏 桂心 白薇 菖蒲 川芎 各錢五 甘草錢半 每十兩姜五片煎溫服
胃風飲 虛風症能食麻木牙關緊急手足癢瘕 目肉蠕瞶胃中有風面腫

白芷一錢二分升麻二錢葛根 蒼朮 蔓荊子
川歸身各一錢甘草 訛胡 藁本 羌活
草豆仁 黃栢 麻黃不去節 各五分 姜三片 束二
枚 水煎溫服

千金薯蕷丸 腎氣虛弱風氣百疾頭眩驚悸癱

癱 薯蕷廿八分 當歸十分 桂心七分 神曲炒 熟地黄

人參各十分 川芎 芍藥 白朮 麥冬 杏仁

各六分 甘草二十分 柴胡 桔梗 茯苓各五分 鹿角

膠七分 乾姜 白斂各三分 防風 黃芩各六分 大豆

黃卷七分 大東百枚 右末和東膏加煉蜜丸如
彈子大空心酒服下丸日三服

續斷丸 肝勞虛寒脇痛脹滿眼昏不食挛縮癆

癱 續斷酒浸 川芎 川歸 半夏姜製 橘紅 乾

姜炮各一兩 桂心 甘草炙各五錢

右末煉蜜丸桐子大每百丸白湯下

牛黃散 心虛風筋脉挛搐神昏語澁

牛黃 冰片 硃砂 射各一錢 蟬退 烏蛇肉

各一兩 全蝎炒 姜蚕炒 桑螵蛸 羚羊角 天麻

阿膠 防風 甘菊 桂心 細辛 蔓荊子

側子去皮獨活 犀角各五錢麻黃七錢半

右為末和勻再研每服一錢荳淋酒下

續命煮散 風氣留滯心中昏瞶四肢無力口眼

睜動或時搐搦或渴或自汗

防風 獨活 當歸 人參 細辛 葛根

熟地黄 芍藥 川芎 甘草 遠志 荆芥

半夏各五錢官桂七錢半每十兩姜三片煎汗多者

加牡蠣一錢半

獨活散治風熱化痰

細辛 石膏 甘草各五錢

獨活 防風 藁本 旋覆花 川芎 蔓荊

子各一兩右每服三錢姜三片水煎服

瘧門 附勞風

生生子曰內經云肺移熱于腎傳為柔瘧瘧古云

瘧勁劫之謂也仲景諸公傷寒書皆以為太陽

風濕所致亦有蕪陽明經者仲景謂汗下過多

及瘡家發汗過度皆成瘧此指外感之邪原係

傷寒家法也陳無擇張子和諸公云亦有風火

痰熱之內因者謂此病多由亡血筋無所管故邪得以所襲丹溪謂比癰為虛此皆指內傷之症也觀剛柔二字則亦當有虛實之別大抵剛者多從外感柔者多從內傷故治斯疾者但明知從外感而來則用傷寒家法若從雜症而來則用陳無擇丹溪劉宗厚張子和諸家之法庶表裏詳盡始無遺此失彼之患矣

內經云諸瘧項強皆屬于濕王注太陽又云諸暴強直皆屬于風而陰行于外劉宗厚云按內經言

瘧肺腎太陽督脈與夫六氣皆能為之 大抵皆主于濕

仲景云太陽病發熱無汗反惡寒者名曰剛瘧

成無已曰瘧者瘧也強也千金曰太陽中風重感寒濕則變瘧太陽病發熱無汗為表實則不啻惡寒今反惡寒者則太陽中風重感于寒為瘧病也以表實感寒故曰剛瘧

太陽病發熱汗出不惡寒者名曰柔瘧 成無已曰太陽病發熱汗出為表虛則當惡寒

其不惡寒者為陽明病今發熱汗出而不惡寒者非陽明証則是太陽中風重感于濕為柔痊也表虛感濕故曰柔痊

太陽病發熱脉沉而細者名曰痊

成無已曰太陽主表太陽病發熱為表病脉當浮大今脉反沉細既不愈則太陽中風重感于濕而為痊也金匱要畧曰太陽病其証備身體強不不然脉反沉細此為痊括萎桂枝湯主之太陽病發汗太多因致痊

成無已曰太陽病發汗太多則亡陽內經曰陽氣者精則養神柔則養筋陽微不脉養筋則筋脉緊急而成痊也

病身熱足寒頸項強急惡寒時頭熱面赤目脉赤獨搖頭卒口噤背反張者痊病也

成無已曰太陽中風為純中風也太陽中寒為純傷寒也皆不作痊惟是太陽中風重感寒濕乃變為痊也身熱足寒者寒濕傷下也時頭熱面赤目脉赤風傷于上也頭搖風主動也獨頭

搖者頭為諸陽之會風傷陽也若純傷風者身亦為動搖手足為之搖擗此皆內挾寒濕故頭搖也口噤者寒主急也卒口噤者不常噤也有時而緩若風寒相搏則口噤而不時開此皆加之風濕故卒口噤也足太陽之脉起于目內眦上額交巔上其支別者從巔入絡腦還出別下頤循肩膊內夾脊抵腰中下貫腎以下至足風寒客于經中則筋脉拘急故頸項強急而背反張也

風病下之則瘥復發汗必拘急

瘥家雖身疼痛不可發汗出則瘥

劉宗厚曰按此謂汗下而致瘥則不專于風寒濕之外傳矣是又因壞證而成也發汗下之太過皆亡津液損血之所由也

劉宗厚曰按瘥症屬風寒濕所傷有汗者脉必浮緩無汗者脉必浮緊若其脉沉細者濕所傷也豎直上下行皆緊之象也發汗已其脉如蛇舌津液而無胃氣之象也

子和云呂君玉妻年三十病風搐目眩角弓反張
數日不食諸醫皆作驚風暗風風癩治之以南
星雄黃烏附用之不效戴人曰諸風掉眩皆屬
肝木曲直搖動風之用也陽主動陰主靜由火
盛制金金衰不能平木肝木茂而自病因湧風
痰二三升次以寒劑下十餘行又以排針刺百
會穴出血一林愈

劉宗厚曰按風搐本與瘧症不同而瘧症屬濕土
極必兼風木動搖之化風搐屬木木極必見金

燥緊斂之形要之亦可同論故取此條以證瘧
病不專風寒濕之外至亦有風火熱之內作者
三因方云夫人之筋各隨經絡結束于身血氣內
虛外為風寒濕熱之所中則瘧以風散氣故有
汗而不惡寒曰柔瘧寒泣血無汗而惡寒曰剛
瘧原其所因多由亡血筋無所管故邪得以襲
之所以傷寒汗下過多與夫病瘡人及產後致
于斯疾者聚可見矣診其脉皆沉伏絃緊但陽
緩陰急則久久拘挛陰緩陽急則反張強直二

證各異不可不別

舟溪曰瘧切不可作風治兼用風藥大率與癩相似比癩為甚為虛宜帶補多是氣虛有火有痰宜用人參竹瀝之類一男子二十餘歲患瘧瘡屢謝後忽患口禁不開四肢強直不能屈時或透臍腹痛一陣則冷汗如雨痛定則汗止時作時休其脈絃緊而急如真弦狀向知此子極勤苦意其因勞倦傷血山居多風寒乘虛而感又因瘧瘡其血愈虛當用辛溫養血辛涼

散風遂以當歸為藥為君川芎青皮釣藤為臣白朮陳皮甘草為佐桂枝木香黃連為使更加紅花少許服二十帖而安

王海藏云發汗太過多因致瘧身熱足寒項強惡寒頭熱面腫目赤頭搖口噤背反張者太陽瘧也若頭低視下手足牽引肘膝相構陽明瘧也若下目或左右邪視并下手足搐搦者少陽瘧也汗之止之和之止之各隨其經可使必已 在表無汗宜汗之有汗宜止之陽明瘧屬

裏宜下之少陽症半表半裏宜和之所謂各隨其經也

劉宗厚曰謹按傷寒症病活人以太陽中風又感寒濕而致則專于外邪所傷然仲景亦有汗下過多之戒則又出于壞証所成矣蓋外邪所傷者通宜解散仲景言剛柔活人分陰陽雖知論經絡等諸方詳矣至于治壞証補虛救失之法諸方則亡也又千金謂濕病熱入腎中亦為瘧小兒病癩熱盛亦為瘧若此治法俱未見之也

況此二者之外又有血氣本虛之人如產後汗出多而變瘧者或因七情怒氣而發瘧者或因濕熱內盛痰涎壅遏經絡而作瘧者治各不同也大抵傷寒有外邪之可解宜用風藥發散風寒又風藥亦能勝濕耳至于邪熱入腎亦非風藥之所能療也其內證作瘧本無外邪前入豈可仍用風藥處治惟宜補血降火敦土平木清痰去濕隨證而用不可不察也

海藏云若汗後不解不靜不躁目直視口噤往來

寒熱脉弦者少陽風症宜柴胡防風湯

柴胡 防風各一兩 人參 黃芩各五錢 半夏製六錢

生姜 甘草各六錢 大棗三枚 每服一兩水煎服

若發汗過多發熱頭面搖卒口噤背反張者太陽

無陽明也宜去風養血防風當歸散主之

防風 當歸 川芎 地黄 每服一兩水煎

神木湯 治剛症解利無汗

蒼朮三錢 防風二錢 甘草一錢 姜蔥水煎服

白朮湯 加桂心黃芪治柔症解利有汗

白朮三兩 防風二兩 甘草一兩 每服五錢姜三片

水煎服一日二服漸汗止為解

仲景葛根湯 太陽無汗而小使少氣上衝胸口

噤不得語欲作剛症者

葛根四兩 麻黃 生姜各三兩 桂枝 芍藥 甘

草各二兩 大棗十二枚 每服五錢煎服取微汗

若發熱無汗惡寒名曰剛症宜麻黃加獨活防風

湯上 麻黃 桂枝各一兩 芍藥三兩 甘草五錢 獨活

防風各一兩 每服一兩水煎溫服

瓜蒌桂枝湯 太陽病其証備身體強不汗脈反沉遲此為柔痊

瓜蒌根 甘草 芍藥 桂枝 生姜 大棗 水九升煎取三升分三服取微汗

汗不出啜粥發之 海藏 治發汗自汗而不惡寒者名柔痊宜桂

枝加川芎防風湯 桂枝 芍藥 生姜 甘草 防風 川芎 各一兩 大棗 每服一兩水煎服

凡剛柔二症皆可與小續命湯 但要識加減法 若柔痊自汗者去麻黃夏間及病有熱者減桂枝 下半冬及初春去黃芩

千金續命湯 卒中半身不遂手足拘急不得屈伸身體冷或智或痴或身強直不語或生或死 狂言不可名狀角弓反張或欲得食或不用食 大小便不利皆療之

人參 桂心 川歸 獨活 黃芩 甘草 乾姜 石膏 杏仁 以水九升煮

炮各七錢半 一兩 四十枚

取三升分温三服日二服無汗者加麻黃

若汗後不解乍靜乍躁目直視口噤往來寒熱脉

弦者少陽風痙宜柴胡加防風湯

柴胡 防風各一兩 人参 黃芩各五錢 半夏六錢 生

姜 甘草各六錢 束三枚 每服一兩水煎

倉公當歸湯 賊風口噤角弓反張痙証

川歸 防風各七錢 獨活一兩 附子一枚 細辛五錢 麻

黃一兩 酒五升煮取三升服一升口不開者

格曰納之一服當蘇二服小汗三服大汗

活人八物白朮散 陰痙一二日面腫手足厥冷

筋脉拘急汗不出恐陰氣內傷

麻黃 白朮 茯苓 五味子 羌活各五錢 桂

心 附子各三分 良姜一分 每四錢姜五片水煎服

附子散 陰痙手足厥逆筋脉拘急汗出不止頭

項強直頭搖口噤

桂心 川芎各三錢 附子炮 白朮各一兩 獨活五錢

每三錢束一枚水煎服

桂心白朮湯 陰痙手足厥冷筋脉拘急汗出不

正 白朮 防風 甘草 桂心 川芎 附
子 每五錢姜五片棗二枚水煎溫服

丹溪治虛婦因怒手足強直十指如束右手脉弦
虛左手脉弦大而強稍堅此風木攻脾土宜速
瀉肝氣助肺金補脾土之陰

黃連錢二 南星 白朮 人參 黃芩 天麻

川芎 木通 陳皮 青皮各五錢 甘草一分

水煎入姜汁辣服

肘後方 中風體強直不得屈伸反覆刮桤樹皮

細切一升以酒二升浸一宿每日溫服半升酒

盡再作即枳實樹皮去風濕効

千金方 治口噤手足不隨而手体強直

伏龍肝五升以水七升攪勻取汁飲之

瘧瘧辯

生生子曰丹溪云瘧當依瘧傳寫之悞耳攷之諸
書亦未有能辯之詳註之確者惟郭雍氏云瘧
與瘧當是二病謂昔劉寅氏有言病以時發者
謂之瘧不以時發者謂之瘧似亦未能詳悉厥

赤水玄珠

卷八

四

後以其所歷見及治之効與不効者反覆考
二症之名二字之義其用心可謂至勤至懇者
矣然終未能昭著允若故後之人疑其為二症
者不亦宜乎愚按靈素仲景以下諸書云瘧云
瘧字雖兩般治多雷同殆亦不必犁而為三也
善辯之則愈支离膚見謂瘧乃病之名瘧乃病
之狀原其有剛柔二種以病發之時而經筋脉
絡僵勁角弓反張故曰瘧瘧是勁急也是以其
病發之狀象而名之也不然河歷代諸公或以

治瘧之方治瘧或以治瘧之方治瘧諸皆能効
治既同而不殊則症當一而不三也焉用分

勞風即瘧之類

丹溪云瘧比癘為虛蓋因勞汗遇風內挾太陽寒
濕之邪治亦與瘧同法但當視其所勞則知虛
在何臟如房勞則腎虛汗出腠理開風入皮膚
得寒則閉風不能出與水俱行其人當目下腫
如卧蚕之狀戴人云腎主水其經至于目下故
也不禁房室則死明其虛在腎也所以關於太

陽何也太陽主寒其經最在外腠理得寒則開
 故太陽先受邪也治宜八物白朮散倉公當歸湯
 黃芪湯 汗多氣虛發瘧

黃芪 蜜炙 二錢 人參 白朮 茯苓 白芍 炒 各一錢

甘草 炙 八分 桂枝 五分 水煎服

當歸散 血虛及去血過多發瘧

當歸 酒洗 二錢 川芎 熟地 防風 黃芪 各一錢

芍藥 半一錢 甘草 四分 水煎服

理氣平肝散 七情所傷發瘧

烏藥 香附 各半錢 青皮 枳殼 芍藥 川芎

柴胡 木香 各錢 甘草

姜三片水煎服木香磨水二匙加入

清痰湯 痰火攻作頑強口噤角張反瘧

山梔 黃芩 半夏 炮 橘紅 茯苓 瓜蒌仁

枳殼 貝母 香附 童便浸 各一錢 甘草 五分

水煎入竹瀝姜汁各三四匙食遠服

去濕青熱散

白朮 二錢 蒼朮 半二錢 澤瀉 茯苓 天花粉 山

梔各一錢 羌活分七 甘草分四 水煎服

芎各一錢 枳殼分等 治勞風強上冥視肺熱上壅唾稠

川芎 枳殼分等 為末蜜丸桐子大每服三五

十九食後溫水下日三服

祛風清金散 肺熱壅盛痰唾如膿

防風 括萎根 桔梗 枳殼 旋覆花 川

芎各一錢 山梔 黃芩 貝母 瓜蒌仁炒 茯苓

天門冬 麥門冬 橘紅分各八 五味子分十五 甘

草分四 水煎服

生生子曰按內經評熱病論篇帝曰勞風之病何

如岐伯曰勞風發在肺下其為病也使入強上

冥視唾出若涕惡風而振寒此為勞風之病帝

曰治之柰何岐伯曰以救俛仰巨陽引精者三

日中年者五日不精者七日效出清黃涼其狀

如膿大如彈丸從口中若鼻中出不出則傷肺

傷肺則死也

引精謂目中之精明引動能辨人與物也

啓玄子註曰勞風者從勞風生故曰勞風勞謂腎

勞也腎脉者從腎上實肝膈入肺中故腎勞風
生上居肺下也強上好仰也冥視謂合眼視不
明也腎精不足外吸膀胱膀胱氣不能上營故
使人頭項強而視不明也肺被風薄勞氣上薰
故令唾出若鼻涕狀腎氣不足陽氣內攻勞熱
相合故惡風而振寒肺傷則營衛散解魄不內
治故死林氏謂強王者似角弓反張也冥視者
目開不見物也凡瘁病皆同不識人或反視斜
視也治法當與瘁同千金方冥視作目眩

○不得卧

靈樞曰病而不得眠者何氣使然岐伯曰衛氣不
得入于陰常留于陽留于陽則陽氣滿陽氣滿
則陽驕盛不得入于陰則陰氣虛故目不瞑矣

大惑論

黃帝問于伯高曰夫邪氣之客入也或令人目不
瞑不卧出者何氣使然伯高曰五穀入於胃也
其糟粕津液宗氣分為三隧故宗氣積于胸中
出於喉嚨以貫心脉而行呼吸焉營氣者泌其

津液注之於脉化以為血以榮四末內注五臟
六腑以應刺數焉衛氣者出其悍氣之慄疾而
先行于四末分肉皮膚之間而不休者也晝日
行于陽夜行于陰常從足少陰之分間行于五
臟六腑今厥氣客于五臟六腑則衛氣獨衛其
外行于陽不得入於陰行于陽則陽氣盛陽氣
盛則陽蹻陷不得入于陰陰虛故目不瞑黃帝
曰善治之柰何伯高曰補其不足瀉其有餘調
其虛實以通其道而去其邪飲以半復湯一劑

陰陽已通其卧立至黃帝曰善此所謂決瀆壅
塞經絡大通陰陽和得者也頭聞其方伯高曰
其湯方以流水千里以外者八升揚之萬遍取
其清者五升煮之炊以葦薪火沸置秫米一升
治半夏五合徐炊令竭為一升半去其滓飲汁
一小杯日三稍益以知為度故其病新發者覆
杯則卧汗出則已矣久者三飲而已矣此去飲之劑也
內經曰胃不和則卧不安帝曰人之不能偃卧者
何也岐伯曰肺者臟之蓋也肺氣盛則肺大肺

大則不能偃卧

王海藏云膽虛不眠寒也聖惠左酸東仁炒為末以竹葉湯調服

張子和治一富家婦人因思慮過甚二年不得寐無藥可療其夫求治脉之兩手俱緩此脾受邪也脾主思故也乃與其夫議以怒激之多取其財飲酒數日不處一法而去其婦大怒汗出是夜困眠如此者八九日不寤自是食其脉得平

永腫病令人不得卧則驚則軟甚此水氣凌肺也

溫膽湯治大病後虛煩不得眠或則驚悸極效

舟溪治煩不得眠益元散加牛黃服之

存心血不足而不寐者用益榮湯

仲景酸東湯治虛煩不得眠

酸東仁升甘草兩知母 茯苓 川芎各二兩

水八升煮酸東仁得六升內諸藥煎取三升

分溫三服 一方加生姜二兩

本事驚甲丸 膽虛不得眠四肢無力

酸東仁 驚甲 羌活 牛膝 黃芪 人參

五味子各等分 蜜九梧子大每四五十九 温酒下

聖惠酸東地黄湯 骨蒸勞煩心不得眠

酸東仁一兩 水一大碗半 研絞取汁 下米二合 煮

粥熟 再入地黄汁一合 更煮過 不計時服之

六物湯治振悸不得眠 四君子加酸東仁生薑煎服

許學士珍珠母丸 肝虛內受風邪 卧則寬散而

不收狀若驚悸

珍珠母另研末三錢 當歸 熟地各一兩半 人參 茯苓

酸東仁 栝子仁 犀角各一兩 沉香 龍齒各五

錢 為末蜜九梧子大辰砂為衣每四五十九金

銀薄荷湯下日午及夜服一方多虎睛一

獨活湯 治同前相兼服對射香一錢

獨活 羌活 人參 前胡 細辛 半夏

酸東仁 沙參 茯苓 甘草 五味子各等分

每七錢姜三片烏梅一箇不拘時煎服

紹興癸丑予待次四明有董生者患神氣不寧

每卧則竟飛揚覺身在床而神竟離体驚悸多

魘通夕無寐更醫不効予為診視詢之曰醫作

何病治董曰衆皆以為心病予曰以脉言之肝
經受邪非心病也肝氣因虛邪氣襲之肝藏魂
者也遊魂為變平人肝不受邪卧則魂歸于肝
神靜而得寐今肝有邪魂不得歸是以卧則魂
飛揚若離體也肝主怒故小怒則劇董欣然曰
前此未之聞雖未服藥已覺沉痾去體矣願求
治之予曰公且持此說與衆醫議所治之方而
徐質之閱旬日復至云醫徧議古今方無與病
相對者故予處此二方以贈服一月而病悉除

此方用真珠母為君龍齒佐之真珠母入肝經
為第一龍齒與肝同類也龍齒虎睛今人例以
為鎮心藥殊不知龍齒安魂虎睛定魄各言其
類也蓋東方蒼龍木也屬肝而藏魂西方白虎
金也屬肺而藏魄龍能變化故魂遊而不定虎
能專靜故魄止而有守予謂治魄不安者宜以
虎睛治魂飛揚者宜以龍齒萬物有成理而不
失在夫人達之而已

益榮湯 血不足不寐及怔忡驚悸

當歸 黃芪 遠志 酸棗仁炒 茯神 栝子
仁 麥冬 白芍 人參 紫石英各一錢 木香
甘草五分 姜三片 枣二枚 水煎服

○多卧

黃帝曰人之多卧者何氣使然岐伯曰此人腸胃大而皮膚濕而分肉不解為腸胃大則衛氣留久皮膚濕則分肉不解其行遲夫胃氣者晝常行于陽夜行于陰故陽氣盡則寐陰氣盡則寤故腸胃大則衛氣行留久皮膚濕分肉不解則

行遲留于陰也久其氣不精則目瞑故多卧矣其腸胃小皮膚滑以緩分肉解則衛氣留于陽也久故少瞑焉黃帝曰其非常經也卒然多卧者何氣使然岐伯曰邪氣留于上焦上焦閉而不通已食若飲湯衛氣留久於陰而不行故卒然多卧焉大惑篇

海藏曰膽實多睡熱也

生朮湯 治膽熱多睡

生酸棗仁為末茶姜汁調服

又方 生酸束仁一兩 膳茶二兩 以生姜汁塗炙
 微焦為末每服二錢水七分煎六分溫服
 醒睡湯 酸束仁 沙參各一錢半 麥冬一錢 茯神 甘
 草各五分 姜一片水煎服


○煩躁門

仲景云煩屬肺躁屬腎火入於肺則煩入于腎則
 躁大抵煩躁皆心火為病火旺則金燥而水虧
 也惟火獨存故肺腎合而為煩躁又脾經絡于
 心中心經起于脾中二經相搏濕熱生煩矣煩

者擾擾心亂不_レ欲吐怔忡不安
 成無已曰煩為擾亂而煩躁為憤怒而躁合而言
 之煩躁為熱也析而言之煩陽也躁陰也煩為
 熱之輕者躁為熱之甚者
 陳無擇曰內熱為煩外熱為躁又曰虛煩身不覺
 熱頭目昏疼口乾咽燥不渴清又不寐皆虛煩
 婁英曰先賢治煩躁齊作有屬熱者有屬寒者獨
 煩而不躁者多屬熱惟悸而煩者為虛寒躁不
 煩者多屬寒惟不邪者為熱蓋煩者心中煩或

胸中煩皆內熱也躁者身體手足躁擾或裸體不欲近衣或欲坐井中為外熱也內熱者有本之熱故多屬熱外熱者多是無根之火故屬寒也生生子曰仲景成無己二公所論煩躁皆為火熱是祖內經夫熱病皆傷寒之類也乃傷寒家語言其邪自外而入至于煩躁皆為熱候予謂躁有陰陽煩有虛實陶節庵曰先煩而悸者為實先悸而煩者為虛又曰煩漸生躁有陰陽虛實之別心熱則煩陽實陰虛腎熱則躁陰實陽虛

煩為熱輕躁為熱重此亦傷寒家語也雜症之煩躁又各有虛實寒熱不同須當分別而治虛煩者心中擾亂精神不能任持似脹不脹悒悒悶飲食不甘美睡卧不安寧者是也治以養心血鎮火安神之劑如安神丸之類實煩者或心火燔盛或水飲痰涎停于胸膈壅悶不安者是也治以消痰逐飲散邪之劑如梔子豉湯蠲飲湯五苓散之類陽躁者煩渴欲飲憤激躁怒二便不利經云諸躁狂越皆属于火者是也



治如丹溪用妙香丸之類陰躁者渴不欲飲極其躁擾或上熱下寒此為陰盛格陽為陽氣虛憊不能渡入皇欲坐井中者是也治以理中湯四逆湯之類天抵煩症多屬于虛經曰夏脉者心也其不及及冷入煩心又云肝腎脾虛皆令入体重煩冤迹是知煩多由于虛也當尋傷寒法外之治今錄治方于左以備採用
內外俱虛身冷而汗出微嘔而煩擾手足厥逆不得安靜者死 熱病七八日其脉微細小便不

利加暴口燥脉代舌黑焦乾者死
保命集云起卧不安睡不穩謂之煩宜梔豉湯竹葉石膏湯

活人書云但獨熱者虛煩也諸虛煩熱與傷寒相似但不惡寒身不疼痛故知非傷寒也不可發汗頭不痛脉不緊數故知非裏寒也不可下病與者內外皆不可攻之必遂煩渴當與竹葉湯若嘔者與陳皮湯一劑不愈再與之孫真人云此法數用有效

陳皮湯 陳皮一兩 甘草各五錢 竹茹各五錢 人參一錢

每服七錢姜二片東二枚水煎服

淡竹茹湯 心虛悶頭疼短氣內熱不解心中悶

亂及產婦心虛驚悸煩悶欲絕

麥門冬去心 小麦各二兩 甘草炙一兩 人參 茯苓各

兩半夏湯洗 每服四錢姜七片東二枚淡竹

茹一塊水煎服

東垣硃砂安神丸 心亂煩熱怔忡心神顛倒元
元欲吐胸中氣亂而熱有似懊懷之狀皆膈上

血中伏熱蒸ト不安宜用權法以鎮陰火之浮

行以養上焦之元氣用甘草之甘溫補之當歸

生地又為長生陰血之聖藥黃連去心煩除濕

熱硃砂納浮游而安神明方見怔忡門

仲景下痢後更煩按之心下濡者為虛煩也梔豉湯主之

丹溪治一女子年二十餘歲在室素強健六月間

發煩悶困憊不食發時欲入井六脉皆沉細而

弱數兩日後微渴衆以為病暑治不効四五日

加嘔而人瘦手心極熱喜在陰處漸成伏脉時

妄語予急製局方妙香丸如桐子大以井水下
 一丸半日許大便藥已出病無退減遂以射香
 水洗藥以針穿三竅次日以涼水送下半日許
 大便下稠痰數升是夜得睡困填伏枕旬日而
 愈因記金匱云昔肥而今瘦者痰也遂作此藥
 治之

妙香丸丹溪云疏決腸胃制伏水火藥也

辰砂飛五兩 牛黃 龍腦 膩粉 射研各兩 巴豆
三百五十粒去皮膜炒熟研 金箔九十片 右研勻煉黃蠟六兩

入好蜜三分同煉令勻為丸每兩作三十九
 如要此藥速行針刺一眼子冷水浸少時服
 効更速小兒百病丸如菘豆大

遠志湯 治心虛煩熱夜卧不寧及病後虛煩

遠志去心 黃芪 當歸 麥冬 石斛 酸枣仁
炒各一錢二分 人參 茯神各七分 甘草五分 水煎服

煩甚者加竹葉知母

竹葉湯 傷寒大病後及霍亂吐瀉後心虛煩悶

肉熱不解 竹葉 麥冬 人參 茯苓 小

麥 半夏各一兩 甘草五錢 每六錢姜五片水煎服

小茸湯 虛勞憂思過度遺精白濁虛煩不安

小茸 黃芪 川歸 麥冬 石斛 酸枣仁

各一兩 人參 甘草各五錢 每六錢姜五片水

煎服

地仙散 傷寒後伏暑後煩熱不安及虛勞不安

地骨皮二兩 防風一兩 甘草五錢 每六錢姜五

片水煎服

竹茹麥冬湯 大病後表裏俱虛內無津液煩渴

心躁及諸虛煩熱與傷寒相似但不惡寒身不
痛不可汗下者 淡竹葉 麥門冬等分 每小錢

水煎

酸枣仁湯 霍亂吐下後增劇虛勞煩擾奔氣在

胸中不得眠或發寒熱頭疼暈悶

酸枣仁一兩七錢半 人參 桂心各二錢半 知母 茯苓

各三錢 石膏五錢 甘草二錢 每七錢姜東煎服

人參竹茹湯 胃口有熱嘔吐欬逆虛煩不安

人參五錢 半夏一兩 分二帖加姜七片陳皮二